



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 29. Idumæi in auxilium Zelotis veniunt.

[urn:nbn:de:hbz:466:1-66002](https://nbn-resolving.de/urn:nbn:de:hbz:466:1-66002)

Sæculum I.
A.C. 67.

consiliorum omnium conscius. Corrum proditor erat, omniumque, qui decernebantur, ad Zelatores occultus dator. Populi Principes de fide, quam juraverat, non suspectum, ad Zelatores mittunt, ipsorum nomine de reconciliacione tractaturum. Ipse in Templum admissus, declarat, se ex partibus Zelatorum simpliciter stare, suadetque, omni mora absissa suæ securitati consulerent; Ananum ad Vespasianum misisse, qui hortarentur, civitatem celeriter occuparet. Si ipsi caperentur, nullam vitæ spem fore; nec aliud supereesse consilium, quam ut externa advocarent auxilia. Zelatorum capita erant Eleazar filius Simeonis, & Zacharias filius Phalec, ex stirpe sacerdotali ambo. His factu optimum visum, ad Idumæos mittere, nationem inquietam, & violentam, semper festivo animo in proelia ruere paratam. Igitur epistolam scribunt; se in Templo ob sideri, quod libertatem publicam defenderent. Ananum Romanos ad invadendam urbem sollicitasse. Quæ tamen criminatio erat conficta Joannis calumnia.

§. XXIX.

Idumæi advocati.

e. 16. 17. 18. Idumæorum viginti millia præsto fuere; & advenientes quidem clausæ civitatis

Co...
qu...
us do...
quam
atores
cilia...
plum...
elato...
omni...
rent;
qui
cupa...
spem
quam
lato...
onis,
facer...
sum,
quie...
nimo...
isto...
deri,
ent.
bem
erat

tis portæ aditu prohibuere, sed caliginosa procella, quæ nocturno tempore supervenit, incepturna promovente, a Zelatoribus secreto in urbem, & Templum admissi, junctis viribus primum excubitores, somno oppressos, deinde populum periculi insciū sternunt. Lux exorta, viros octies mille quingentos fuisse cæsos, detexit. Hic tamen Idumæorum furor non stetit. In civitatem erumpentes, prædas agunt, & obvios quosque cædunt; attamen præprimis in Sacrificatores defævitum. Ananum, & Jesum occidunt, & postquam illusere cadaveribus, infelta projiciunt. Cum sublato Anano omnem servandæ civitatis spem præciam fuisse, plerique crediderunt; hunc enim solum, hoc animi vigore, & rei gerendæ dexteritate, restituendæ paci param fuisse. Ferale spectaculum! videre duos Pontifices, paulo ante sacro ornatu fulgentes, ab omnibus exteris, ex omnibus orbis partibus Jerosolymam convenientibus, divinis prope honoribus cultos, in publica via nudis corporibus projectos, canum, aliorumque ferarum dentibus expressos.

Præter jam memorata, Zelatores, & Idumæi immensam plebeiorum multitudinem, prout in quosque incidebant, obtruncarunt; si quos vero nobiliori stemmate ortos, aut juventute robustos no-

Sæculum I.
A. C. 67.

I. 19.

R. 3. tassent,

Sæculum I.
A. C. 67.

*lib. 5. c. 1.
p. 883.*

tassent, eos mittebant in carcerem, quo sperarent, eorum accessu suæ factionis numerum augeri posse; quod si faceret detrectarent, diversis cruciatibus tortos, necabant. Sic ad duodecim millia perierunt; sed etiam post miserorum mortem persecutorum crudelitas durabat, nam cadavera insepulta jacebant; vix nocturnis tenebris manu pauxillum pulveris in hæc corpora spargere licebat. Tanto timore populus arescebat, ut ne qui dem gemere, aut lacrymari aliis videntibus auderent; nec aliter, quam obductis ostii pessulis, & postquam circumspexissent, an nullus lacrymarum proditor adesset, libere in lamenta solvi tutum erat.

Præterea rarum exemplum Zelatores dederunt, quam religiose Justitiam colebant; Zachariam nempe, filium Baruch, virum non minus meritis clarum, quam opibus pollentem, accusarunt, quod urbem Romanis prodere voluisse, &, ut speciem legitimi judicii facerent, septuaginta judices constituerunt. Ipse causam suam constanter perorabat, criminis eorum in faciem exprobrans; accusatoribus autem non probantibus, communis judicium voce absolutus est. At Zelatores contra Judices exclamabant, duoque ex iis Zachariæ admoti, eum in medio Templi percutiunt, dicentes: hæc est nostra sententia; hæc absolutio securior est; tum Ju-

dici-

Sæculum I.
A. C. 67.

dicibus probrose ejectis, corpus ejus in proximum præcipitium agunt. Idumæos vero, talia cernentes, pœnitentia subiit, se venisse; cumque veritatem edocti, ci-vium proditionem, crimen fuisse com-mentium, rescissent, duobus millibus ho-minum, quos Zelatores in carceribus tenebant, in libertatem emissis, Jero-so-lyma egressi ad propria rediere.

Post Idumæorum discessum Zelatores liberius furere cœperunt. Gorionem, & Nigrum, nobilissimos quosque & ci-vium optimos capite mulctant. Nemini amplius innocentia tuebatur, quem ipsi perdere quocunque prætextu consti-tuisserent. His offensa, qua eorum iracun-diam jam ante bellum incurrerant, no-cuit; hos superbia, quod eorum socie-tatem fugerent, damnavit, alios econtra nimia familiaritas, qui obsequium præ-stabant, pro insidiatoribus habebantur; & tot dissimilium delictorum similis pœ-na erat mors truculenta. Multi, ut se periculo mortis liberarent, ad Vespasia-ni castra confugerunt; verum id ipsum non diu licuit, positis ad portas, vias-que speculatoribus. Brevi velle ad Ro-manos transire summo criminis ducebatur, cuius sola suspicio multis capite stetit, ditoribus, in quos suspicio cadebat, vita auro redimenda fuit. Occisorum cada-vera sepelire novum crimen erat, hinc

R 4 passim

Sæculum I.

A. C. 68.

passim compita tegebantur funeribus
Ita egregii hi Zelatores, si Diis placeat,
divina, humanaque jura proculabant,
sacrorum omnium, præsertim vero Pro-
phetiarum, quas ignari adimplebant, i-
risores.

At inter ipsos quoque divisionem Jo-
annis de Giscala ambitio invexit, cum
imperare illis cuperet, qui ipsi obediere
nollent. Quibusdam tamen ipsum se-
quentibus, a mutuis insidiis cavebant,
parum mali vero invicem sibi intulere,
summa enim laboris erat, quinam eo-
rum plures prædas, & opimiores ex
populo cogerent. Alia ex parte Sicarii
Massadam castrum prope urbem occupa-
verant; hi, cum Romanos quiescere cer-
nerent, nocte Paschatis erumpentes, ca-
ptum oppidum Enggaddi deprædantur,
eadem fors circumiacentes pagos affixit.
Tum ad deserta declinantes, omnia ca-
dibus, & rapinis vastant, ut ad exemplum
Jerosolymæ, nulla pars Palæstinæ latro-
ciniis esset exempta.

Ea omnia Vespasianum minime fugie-
bant, qui consulto cunctabatur, ut inter-
rim Judæi proprias vires acciderent, dum
miles suus quiete reficeretur. Excit-
antibus tamen maxime transfugis, ut
tantis miseriis Patriam liberaret, omnia
ad Jerosolymæ obsidionem comparabat;
&

& ut nullus superesset a tergo hostis, qui Sæculum I.
movere quidquam posset, Gadarim, Re- A. C. 68.
gionis ultra Jordanem Metropolim, exer-
citum dicit, quo etiam a civium optimis
vocatus fuerat. Quarta *Distrus*, seu
Martii, urbem hanc ingressus est, anno
sexagesimo octavo. Seditiosi hinc auffu-
gerant; sed Placidus cum equitatu eos
infecutus, prælio fundit; quindecim vi-
rorum millia neci data sunt, duo millia du-
centi vinculis; neandum computatis iis,
quos Jordanis aquæ magno in numero suf-
focarunt. Sic factum, ut tota Regio ul-
tra fluvium, usque ad lacum Sodomo-
rum pacata Romanisque subiecta quie-
sceret, si unicum castrum Macheron ex-
cipias.

An. 68.

§. XXX.

*Rebellio in Neronem. Ejus
mors.*

Inter hæc Vespasiano nuntiatum, Gal- *Jof. V. Bell.*
los, Duce Julio Vindice, contra Nero- *c. 26. &c.*
nem rebellionem movere; inde bellum
civile auguratus, Judaico, quam prom-
ptissime posset, finem facere decernit.
Vere ineunte Cæsarea cum copiis mo-
vens versus meridiem, totamque Judæam,
& Idumæam percurrentes, utrique vastita-
tem intulit, rediitque Emmaum ad castra
sua firmissime obvallata, ut arctius Jero-
R 5 sony-